

Sierninger Tanzherren - Rud

Rudenkirtag Sierning Faschingdienstag 5.3.2019



<p>Es sagt die Sianga Taunzherrn Rud, a recht a herzlichs - Griaß enk Gott. San seit zwoar - tausend - nei' mit unsre Weiberleit dabei! Hambs nu nia - net - bereut, taunzn allweil nu mit Freid. Do viel schena is Ausinga, da lassn d´ Leit an Liter springa.</p>	<p>2018 is passiert Die Frauenwelt hat jubiliert. Weil d` Weiberleit, seit 100 Joahr zur Wahl geh dearfan - sogar. Nur gaunz Aschach hot si gfrogt weng was wird so a Zirkus gmacht? Wen kümmert s´ Wahlrecht für die Fraun, bei 100 Joahr Müchibaun.</p>
<p>Nach´m Umbau vo da Gmoa Is da Sitzungssaal - vü z´ kloa. Jeder pickt - an da Mau' Schwitzn tuat ma - wia d´ Sau. Jetzt wird jede Sitzung drei -zur - gmischten Sauna glei Und die Kalchmoa - ganz gwiss da Ober- Schwitza is.</p>	<p>D´ Bamschloger Mitzi - allerhand, Schaut als Frau von Welt aufs G´wand. Wias halt is - bei feine Leit, für d´ Fetzn is koa Weg net zweit. Unlängst fahrts - mit an Trara, ban shoppen zwoa mal ins Radar. Da Reini moant -„bleib nockad glei - anzong kimmst ma oanfach z´tei“.</p>
<p>Kaltenböck Christl - kennt´s ös eh, moant si wa´ a Koriphee. Jetzt wü´ s´ alle Gstanzel hearn, bevor´s am Kirta vortrang wearn! D´ Strophen wearn analysiert, und wanns sein muaß - zensuriert! Sie warad gern - fiacht ma glei, die neiche Gstanzelkiwarei!</p>	<p>Ban Eisenhuaba -fliagt da Bua, gern mitn Traktor aus da Spur. Etna moi - havariert, häufti Blech - demoliert! „Liaba Heli - mir sagns ehrlich, bist als Bau´ - einfach gfährlich! Zan Traktorfoahrn - koa Talent, bleib´ Versicherungsagent“!</p>
<p>Seit letztem Joahr - des is gwiss, da Reichard nimma Tanzherr is. Des reisst eam - mit vü Schmerz a große Wunden - ins Herz. Mir hätten fürn Hans so a Idee, da wurd´t sei Leben wieda sche: A Kirta´ drennt im Altersheim, dort kunnta wieda Taunzherr sein.</p>	<p>Staudinger Christa-mit ihrn Charme betreibt in Linz a Beauty-Farm. Reife Damen - kemman gern in dem Glaubn - das jünga wearn! Dabei miasns orndli brenna, in Wirklichkeit wird koane schena. Für d´ Christa leicht vadieses Geld bei soviel Schiache auf da Welt.</p>
<p>Derflinger Traudi is frustriert Weil si´ im Bett – nix mehr riahrt, seit da Thomas unvahofft , mitsamt da Pudlhaubm schlaft! Wann_sie_dann_doch-vor Lust vibriert, und sei Zipfimützn gspiart, Haucht sie sanft: „i bin guat drauf - I setz ma g´schwind mei Goldhaubm auf!</p>	<p>D´Hofer Gerlinde - wia ma heart. hats ban Autofoahrn malheur! Da teure Wogn – is deformiert, 15 Airbag explodiert! Da Sepp sogt glei zu seine Poln, Aufprallkissen brauchts net holn! Blech ausbiagn – daun is a Ruah, die mei hat eh Stossdämpfer gnuat!</p>

<p>In Schiedlberg- ban Bührlar draust, war a Fest, dass 'd nur so schaut! Deswegn nennan's eam sogar, Berlusconi von da G'moa! Bist 50 Joahr schon unbeweibt, wir wünschen Dir – dass so bleibt. soviel Glück is schwa zum Greifen a halbs Jahrhundert ohne Keif'n</p>	<p>Am Krampaltag - letztes Joahr, da ORF in Sierning woar. Und wer grinst glei aus der Kistn, unsere Oberspezialisten! Zerscht da Landerl, dann der Rogl, und da Zauner Hubs – der Vogl! S'ganze Land - woas jetzt g'wiss, wer in Siang - Krampus is!</p>
<p>Die Hackl Gertraud geht – Sternsinga, Weil do gibt's oft - wos zan trinka. In Siarnng wearn eh die Schwoarzn goar drum geht sie als Melchior. Wias dann g'schminkt aufs Handy druckt, spielt des Trum komplett varuckt! Die G'sichtserkennung sagt - den Hasen Kenn i nur mit blauer Nosn!</p>	<p>A Jubiläum – des uns gfreit Gibt's ba die Bam-schloga –Leit. Unser Taunzherrnrudenwirt heit sein 50ger zelebriert! Muasst a weng mehr auf die schau, dearfst di öfter „na“ song – traun. Sollst nu leben 50 Jahr, dann wearn uns Gstanzel - nia goar.</p>
<p>Da Pernkopf draht, ma möchts net glauben Seit Joahrn scho an die richtig Schrauben Zerscht Sekretär - daun Landesrat da letzte Sprung – föht nu grad Fian Laundeshauptmau, hoff ma glei Ziagst an echten Fachmann bei Da Stelzer sagt da gaunz bestimmt Wia ma bis gaunz aufi kimmt</p>	